



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : Kowloon Tong Government Primary School

学校名称 : 九龙塘官立小学

Name of Play 剧名 : 边个搞到天神无得瞓?

Script writer 剧作者 : 全体学生 及 陈力生 (导师)

Synopsis 故事大纲 :

天神认为现在人类无礼的言语实在太吵耳，令它不能入睡，于是命令礼貌之神和他的徒弟下凡，重新教导人类应有的礼貌。师徒两人到了凡间的一个家庭，发现家中各人的行为言语都欠缺礼貌。师徒二人决定帮助这一个家庭，令他们重新明白待人有礼的重要性。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

(各人在不同的区域说出一些没有礼貌的态度，句子或处景)

A: 喂! 早晨啲!

B: 攞你支笔用下啫，驶咩咁恶呀!

C: 边个叫你生得矮咩!

D: 做咩啫? 又唔系特登踩你嘅!

E: 我钟意呀! 唔得咩!

F: 关爱坐咪关爱坐嘍! 点解要让俾你?

G: 等我用手机拍低放上网先!

H: 你游游下急，咪系泳池去嘍!

I: 有位唔坐都对不起自己啦!

J: 你咁丑样就唔好出嚟行街啦!

K: 我钟意点就点，关你咩事?

L: 系你只鞋面掙落我鞋底度之嘛!

M: 对不起嘍!

N: 我去完厕所有洗手咁又点啫!

O: 爷爷，恭喜发财! 快啲俾利是我!

众: 咩呀! 我大声讲野唔代表我有礼貌!

天神 VO: 够喇!

(灯转，礼貌之神步出，摇摇头心事重重)

礼: 唉!唉!唉!唉

徒: 唉! 师傅!

(徒弟仔急步出)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

徒：死喇师傅！死喇师傅！师傅死喇！

礼：我睬！闹住！师傅生勾勾企系度又点会死呢？更何况我系天上神仙，就更加唔会死啦！

徒：师傅！你系礼貌之神，我系你徒弟，又点会咒你死咁有礼貌呀！

礼：都算你讲得通啦！咁你因咩事闹哄哄啊？

徒：吖！系呀系呀！死喇死喇.....

礼：唔好再讲个死字啦？究竟发生咩事？

徒：吖！弊喇弊喇，天神好唔高兴呀.....

礼：我知吖！

徒：佢话而家凡间啲人真系太无礼貌,啲啲咁难听嘅声音真系嘈到佢瞓唔到觉！

礼：我都知吖！

徒：于是佢就周围搵人倾计谗办法，睇吓点样改变呢个情况！

礼：我梗系知啦！

徒：点解你咩都知既？

礼：因为同天神倾足三日三夜有得瞓啲个咪我嘍！

徒：下！系咩？！

礼：仲好讲！叫你哋好好咁教导下面既凡人要学识点样守礼，你哋做咗啲咩吖？

徒：师傅！你有所不知喇！真系有太多凡人有礼貌喇！我哋每个师兄师姐要教既人数比例点止一比四十呀，直情要去到一比九万九添呀

礼：有冇咁夸张呀？

徒：一啲都唔跨张呀！

礼：咁你哋见到佢哋做啲咩系有礼貌吖？

徒：讲起就得人惊喇！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

（徒带师傅四处看，其他演员做出情景）

徒：你睇下，排队打尖唔在讲～塔粒时嚟晒其他楼层，等其他人有排等～明明车箱不准饮食，竟然仲可以有人食雪糕～争位坐唔让坐就多到数唔到～带狗狗行街，狗狗去完便便都唔清洁～仲要随地吐痰几冇公德心～讲起便便就最恐怖，自己去完便便又唔冲厕～洗完手你睇下……啲水 fng 到周围都系，滑亲人点算呢？

呢啲全陪都系而家啲凡人成日做既有礼貌行为！

礼：唉！点解个世界会变成咁样架？好多年前我所教导，人：系要克己服礼，世界如果有咗礼貌，就会秩序大乱，咁简单既道理都唔知，真系令我好痛心啊！天啊！世界变喇！世界变喇！

徒：师傅呀……师傅呀……师傅！我唔系想阻止你系度痛心疾首，不过件事真系要快啲解决，如果唔系天神又捉你去倾计喇！

礼：系啲！仲好讲！一日都系你哋唔好好用功学习，先至教唔好啲凡人！

徒：系既系既……师傅你讲得啱！咁……即系点解决呢？

礼：唯有老夫去凡间一趟睇下有咩解决方法！

徒：咁希望师傅你速去速回！马到功成！

礼：做咩？你估你唔驶去咩？

徒：吓……我

礼：我咩？

徒：我……我谗住煲定汤等你返嚟饮啫！

礼：仲讲！快啲带路！

徒：系师傅！（两人跳起，灯暗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场 有礼之家

(姐姐在上 fb, 不时发出笑声, 弟弟在打机, 嬷嬷在织颈巾)

弟: 死....死....死.....

姐: 怎么搞的呀.....呢啲人真系唔知丑....吖! 等我都回应下先.....

嬷: 细佬! 做咩成日都系度死死死声呀?

弟: 死啦.....死啦.....你仲唔死

嬷: 细佬呀! 唔好成日都死死声啦! 好冇礼貌㗎! 唔好玩住, 俾嬷嬷度下条颈巾既长度先....嚟嚟嚟

弟: 嬷嬷你唔好阻住我.....哎呀! 嬷嬷死咗喇!

嬷: 睬! 大吉利是! 嬷嬷身体都唔知几好!

弟: 你梗系冇死啦! 你搅到我死左喇!

嬷: 都话唔好成日死死声, 唔吉利㗎!

弟: 是但啦! 而家咩年代呀? 话死就咁易死咩?

姐: 细佬! 唔可以同嬷嬷咁讲嘢㗎! 同嬷道歉!

弟: 咩呀! 佢搅到我死咗㗎!

姐: 咁嬷嬷系长辈吖嘛, 快啲道歉啦!

弟: 唔.....

(弟跑回房内)

嬷: 家姐, 妈妈有冇话几时返呀?

姐: 就挂.....

嬷: 都成八点半喇! 你肚饿就去厨房攞件饼食住先啦!

姐: 得喇! 我唔肚饿!

嬷: 家姐你都系呀! 一放学返嚟就对住个计算机, 对得多个计算机好伤眼架!

姐: 啱! 咁讲都得嘅! 同写衰佢先!

嬷: 呢啲咩嚟㗎?



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

姐：facebook 嘢，我同人倾紧计呀！

嫲：倾紧啲咩呀？

姐：倾紧班嗰度啲男仔嘢，真系好令人讨厌……等等…咩呀！我话佢钟意咗人就真啦！

嫲：家姐，当嫲嫲唔识！呢啲系网上面讲是讲非既呢都系少啲玩啦！会影响成绩㗎！

姐：得啦！嫲嫲，我知架喇……

嫲：都系打个电话俾阿妈先！

（正当嫲嫲拿起电话，妈妈拿着外买入）

妈：家姐细佬开饭喇！

嫲：今日咁晏嘅！

妈：公司好多野做呀！最近公司裁员，少咗几个熟手，请返嚟新啲啲又唔识做，又蠢又学得慢，一够钟收工就唔知去左边，真系激死！

嫲：慢慢教啦！有边个一生出来就识做嘢咩！

妈：唔识唔紧要啊，个态度差先令人讨厌咁嘛！懒懒闲闲咁样，呢头讲完嗰头又不记得！家姐细佬呢？姐：系房！

妈：唔好挂住上网啦！食完饭我仲有好多野做啊！

姐：哦！

妈：（大叫）细佬出嚟食饭呀！我食完就收晒啲碗碟唔等你架！

（灯转）（礼及徒出现）

礼：徒弟，你带我嚟呢度……

徒：师傅你睇下呢家人先啦！

（众人埋位食饭，细佬仍拿着手机打机，姐姐拿着手机上网，妈妈拿着手机 whatsapp）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嫲：大家食饭.....（没有人响应）

嫲：大家系咪应该叫人食饭先呢？

弟：叉烧...好野！

妈：食饭啦！

嫲：唉！

嫲：等我食件鸡先！

姐：啱！鸡髀！

嫲：姐姐，夹餸要夹系自己前边嗰啲，夹人哋嗰啲好冇礼貌架！

妈：算啦呀妈，啲细佬由得佢啦！食件鸡！（大声）细佬唔好再打机喇！快啲食！

弟：咪食紧嘍！

（三人继续低头望着电话食饭）

嫲：唉！真系食不言嘍.....（嫲嫲走去上香）

嫲：神明！求下你教下点样做先至可以教好我啲屋企人识得礼貌啦！唉！我教咗几十年书都搅成咁，真系失败！

徒：师傅你依家明我点解要带你来呢度啦！

礼：完全明白晒！叫人食饭呢啲最基本既礼貌呢家人都做唔到，真系令我好痛心！

徒：就系因为嫲嫲都有晒办法，所以不断求神帮助，我哋帮下佢啦！

礼：好！咁我哋就由呢家人开始！

（灯暗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场 校园内

（梁主任四周巡查，看看同学的衣着是否整齐）

梁：同学早晨！

同 A：梁主任早晨！

梁：同学早晨！

同 B&C：梁主任早晨！

同 D&E：梁主任早晨！

梁：同学早晨！

（梁离开）

芬：你点整嘍？咁靚既！

岚：唔系好难嘍，不过就好花时间，我都整咗几个钟。

芬：你都要整几个钟，我估我要整几日呀！

岚：我教你咪得嘍！

芬：如果教就识咁我就唔驶成日都唔合格啦！美感呢样野唔系个个都有！

岚：点会呢！

（弟走入，礼与徒跟着）

芬：咁你今次又攞 A 啦！

岚：唔知呢？

芬：哗！小心！

弟：借过呀！

岚：哗！

（避开弟）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嵐：陈志峰！你企系度！

弟：咩事啊？

芬：你点行路㗎！？

弟：用脚行㗎！

嵐：你差啲整难我件劳作啊！快啲道歉！

弟：你都话差啲真系未烂啦！咁道咩歉啫？

芬：如果唔系我睇到你好似只恐龙咁冲过嚟先，避唔到你就一定烂啦！

弟：避唔到先啦！（打呵欠）

嵐：阿芬！佢呢啲人咁冇礼貌，唔好同佢讲！我哋走！

芬：哼！

（梁再出）

嵐芬：梁老师

梁：早晨！

（弟快步想走）

梁：同学咪行住！点解见到老师都唔打招乎呀？

弟：老师早晨！

梁：你寻晚好夜瞓咩？

弟：吓……唔系呀！

梁：唔系？咁点解你连钮都扣错？

弟：吓！哦……一时唔小心

梁：下次小心啲喇！

弟：哦！

梁：服装仪容系一种礼貌㗎㗎！

弟：知道！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

梁：快啲入厕所整番好佢啦！

弟：即刻去。

（俩人离开）（灯转）（课室内各人在看着岚的劳作，礼及徒在舞台上方）

众：哗！真系好仔细呀！

芬：阿岚你大个一定系艺术家。

岚：我都希望。不如大家俾我收埋佢先啦，就嚟上堂喇！

（众人把劳作递给岚，岚接过转身，与正低头扣钮的弟撞上，劳作掉到地上烂了）

岚/弟：哎呀！

岚：呀！我个劳作呀！散晒喇！（在地上检查着）

芬：今次真系烂咗喇！

弟：我冇心㗎！

芬：边度有人搵低头行路㗎？

弟：我扣紧纽睇唔到呀！

岚：我整咗成晚㗎！（哭）

芬：你快啲讲对不起啦！

弟：我都有心！

芬：咁系你整烂嘛！

弟：我.....我撞到佢之麻，又唔系我整烂.....

芬：仲话唔系你？你快啲讲对不起呀！

弟：我.....我.....我.....

芬：你我我我我我咩啫！道歉有几难呀？

弟：我....讲唔到！

岚：你咁冇礼貌，我憎死你呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

徒：师傅，佢同人讲一句对不起既勇气都有。

礼：咁你咪帮下佢嘞！

徒：知道！（挥一下手）

A 心声：呢个陈志峰真系嚟晒普！

B 心声：整到人点可以唔讲对不起㗎！

C 心声：平时就话自己好叻！讲句对不起都面青！

弟：边个，边个咁大声讲我！？

D 心声：做咩！佢系咪傻㗎！

弟：边个话我傻！？

芬：边度有人讲嘢啫！

E 心声：我以后都唔想同佢玩！

弟：仲话有！

A 心声：做咩佢！

B 心声：做咩佢！

C 心声：真系唔好同佢做朋友！

D 心声：佢系咪有病呀！

弟：边个话我有病！？

芬：都冇人出声！

芬心声：真系傻咗！

弟：你头先讲咩？

芬：我话都冇人讲嘢！

弟：之后呢……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

芬：边有之后啫！

（此时岚走出班房）

岚心声：我憎死佢我憎死佢我憎死佢

弟：你听唔听到佢话憎死我呀？

芬：佢边有讲嘢啫！阿岚！

众心声：你有礼貌系人都憎你啦！

弟：呀！点解会咁嘅！？我系咪有幻听呀？

(灯暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第四场

(灯亮，众人在台上不同的区域坐着，每人枱上有键盘代表用计算机中)

姐：喂！你系边？

朋 A：系宿舍！

姐：你就好啦，有宿舍住！

朋 A：有几好呀？

姐：起码自由啲啦！

朋 A：你成日有屋企饭食仲好啦！

姐：喂！咁你系宿舍听唔听到 Janet Wong 发生咩事？

朋 A：咩事呀？

姐：我就系唔知先问你！你又问返我！

朋 B：佢成日无端端自己系度喊咩嘛！

姐：佢一定系失恋啦！

朋 B：冇听过佢有男朋友啲！

姐：咁我估佢一定系俾人拒绝啦！

朋 C：你唔好咁八卦啦！

姐：有人话佢屋企生意失败！哈哈！佢以后就有得着成身名牌！

朋 C：你仲可以笑既！

姐：佢原来系鬼上身呀！

朋 D：宿舍有鬼？

姐：佢身边成日都有咁多男仔，真系鬼都睇唔过眼！

礼：呢个女仔成日都系度讲事非，说三道四……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

徒：佢好似觉得系网上面讲说话唔驶负责任咁

礼：真系大错特错！原全冇礼貌可言！徒弟仔……

徒：系！师傅！

（徒使用法术）

姐：你知唔佢有咗咩绝症呀？

朋 B：佢唔止有绝症，仲有精神病呀！

姐：我都觉得佢系有问题！

朋 E：佢有末期癌症，应该得三个月命！

姐：一个月命添呀！

朋 A：佢仲有痛风症！

朋 D：花粉症！

朋 C：退伍军人症！

朋 F：心漏病！

朋 B：老人痴呆！

朋 E：佢有咗 BB 添呀！

姐：哗！一个人边可能有咁多病㗎！

众：真架！

姐：Janet Wong 㗎！我最初只系知道佢成日喊㗎！

朋 A：Janet Wong

朋 B：Janet Wong

朋 C：Janet Wong

朋 D:Janet Wong

朋 E:Janet Wong

朋 F:Janet Wong

众：唔系 Janet Wong 呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

姐：咁系边个？

众：陈乐思呀！

姐：我！

（灯转）

（众朋慢慢把椅子搬到台前组合成港铁车厢内）

VO：往香港站嘅列车即将到站，请先让乘客落车，多谢合作。

妈：借借借借……

（妈冲进车箱内坐下）

妈：好彩行得快，如果唔系就要企半个钟！

（电话响）

妈：喂！我正想打俾你！……系港铁嘢……好彩行得快有位坐，咩！今日真系忙到呢……咁话咁平，减价减到几时呀？……真系好底呀……咁你问唔问到啫……你快啲去问下啦……

（一位老婆婆入，找不位，望着妈，妈有意无意避过婆婆的眼神，继续在倾电话）

妈：有得入货就梗系入货啦！啲金会跌架！就算跌啦迟早都会升返！黄金黄金，梗系保值啦！我结婚时候嗰啲龙凤额，如果个价好，我都想买鬼左佢。

（妈隔离坐的乘客让座给婆婆，妈妈仍继续大声讲电话，其他乘客都觉得妈妈好嘈）

礼：系公众场所点可以咁大声讲嘢架！好似全世界都得你一个咁样！真系有礼貌！

徒：佢仲打尖争座位又唔让座添。

礼：徒弟仔…

徒：知道！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

（徒挥一挥手，婆婆慢慢从袋中取出电话，不停大声地重复妈妈讲的说话，慢慢地，其他乘客都像婆婆一样，不停重复妈妈的说话，最后，妈妈觉得很嘈吵，然后发现其他人都跟着自己说话，最后觉得尴尬便挂了线，然后赶快地下车）

（灯转，妈妈走到台前）

妈：点解今日咁怪嘅，所有人都好似针对住我咁！

姐：点解今日咁怪嘅，无端端我会俾人讲是非！

弟：点解今日咁怪嘅，我好似听到啲唔应该听嘅嘢咁！

三人：唉！

麻：点解今日咁怪嘅，你三个傻咗咁几多度做乜野，开饭喇！

（灯转）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第五场

(家中)

嫲：大家食饭！

(三人仍然在沉思中)

嫲心声：唉！佢哋都系唔会叫人食饭架喇！

(弟弟听到嫲嫲的心声突然明白了)

弟：嫲嫲食饭！

嫲：细佬乖！细佬食饭！

弟：家姐叫人食饭啦！有礼貌呀！

姐：嫲嫲食饭！妈妈食饭！

嫲：好好好！姐姐都食饭！

妈：阿妈食饭！大家都食饭啦！

嫲：我系咪发紧梦呢？

(姐与妈取出电话)

嫲心声：我仲以为佢哋会改变，其实都系一样

弟：家姐，妈妈你哋唔好挂住玩电话啦！咁样食饭无益架！

姐：港妇港铁内讲电话如制造噪音！吓！妈！呢个系咪你？

妈：哎呀！真系丑死鬼！今日都唔知行咩衰运？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

姐：我今日都系呀！俾好多人系网上面讲是非！

弟：我都系呀！我.....冇咩特别！

嫲：有！你特别乖！

弟：系咩？

嫲：你哋唔好怪嫲嫲长气！姐姐，其实网上面好多事都唔可尽信，有好多时都

系俾人加盐加醋，都唔系事实嚟。嗰啲所有嘅唔好野，咪又系人做出嚟！

如果我哋自己做好自己先，咁又驶乜怕人哋讲嘢。事实就胜于雄辩，行得

正企得正，咁咪得嘍！大家有礼貌咁倾计，就唔会有咁多是非！

弟：嫲嫲你咁叻嘅！

嫲：嫲嫲唔叻！嫲嫲都系睇警讯学返嚟嘅啫！不过嫲都仲记得以前教过学生既嘢，正所谓非礼勿言嘛！

妈：家姐，嫲嫲讲得啱㗎，你自己谗下啦！

嫲：妈妈都讲得啱，所以我哋大人要以身作则，做个好榜样。费是啲细路有样学样。有时礼貌既嘢做下做下就自然习惯做㗎啦！好似细佬打机咁啫！

弟：下！咩啊？

嫲：打惯打熟嗰啲游戏你阖埋眼都识打啦！

弟：系呀系呀！

嫲：就算输咗，有咩咁大不了，吸啖气再嚟过，试下试就得架啦！

弟：听到未呀？

姐：你唔好懒叻喇！食饭啦！

妈：食饭先啦！啲餸冻喇！

嫲：好好！你哋食先！我装番注香！

妈：食完饭先啦！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嫲：好快啫！

（嫲嫲装香）

嫲心声：今次真系多谢神明保佑，希望从今日起，佢哋都自觉做个有礼貌既人。

（嫲回卓）

嫲：做咩停晒手呀？

姐：等埋嫲嫲你咁嘛！

弟：嫲嫲！寻日我话死死死，真系好对不起！

姐：你都会讲对不起，真系世界变！

妈：家姐，俾啲鼓励细佬！

姐：sorry sorry! 做得好呀！

嫲：睇嚟我要买只乳猪还神啫呀，等嫲嫲锡你一啖！

弟：哗！唔驶喇！我大个喇！

姐：你都会怕丑咩！

（众人笑）

弟：食饭！

（大家互望）

众：大家食饭！

徒：好喇师傅！呢家人终于都有改进喇！

礼：呢个只系起步咋！仲有无穷无尽既人等住要去学习做个礼貌既人！

徒：咁总算好开始吖！

礼：希望由呢家人开始，慢慢去感染其他人要守礼。咁世界就会更美好！

徒：天神都有觉好喇！

礼：冇错！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

徒：好！收工！

礼：咪住！收番你啲法术先啦！

徒：系啱！

（挥一挥手）（灯暗）

完